



VIRO ILLUSTRISSIMO
DD. LUDOVICO-ALEXANDRO
DE LA

ROCHEFOUCAULD,

Duci DE LA ROCHEFOUCAULD & DE LA ROCHEGUYON,
Principi DE MARSILLAC, &c. &c.



UX ILLUSTRISIME,

CONJUNCTIORIS quam mihi tecum permittebat
olim tenerior, imparisque nescia conditionis ætas, necessitudinis
memorem te præbere nunquam dedignatus es. Nec acris
militiæ tirocinia, nec assiduus litterarum, linguarumque

variarum cultus; nec frequentiora cum viris artium ac
scientiarum laude florentissimis colloquia, nec adeò providè
confecta apud exterarum gentes itinera benevolentiam tuam à me
potuerunt avertere. Ego virtutum quas in te nasci primùm
& adolescere, virefcere dehinc atque florere vidi, contem-
plator, admirator, amator, quàm possem ratione certius quod-
dam tibi dare sinceræ quam de iis conceperam existimationis,
altiorisque meæ ergà te venerationis testimonium, apud me
ausus sum meditari. Præsentem idèò quæ sese ultrò obtulit
occasionem, eò avidiùs ac libentiùs arripui, quòd opusculum
hoc, etsi minimum est, publici tamen juris evaserit. Hanc
itaque Thesim non tuo, **DUX ILLUSTRISIME**,
nomini, non splendidioribus quos geris titulis, sed tibi tuo-
que potissimùm candori, morum tuorum mansuetudini, tuo
litterarum amori, humanitati tuæ, ipsique demùm munus-
culum hoc reformidanti modestiæ dico atque consêcro

LEPACHER DE LA FEUTRIE,
D. M. C. & S. F. M. P. Baccalaur.



QUÆSTIO MEDICA

QUOD LIBETARIIS DISPUTATIONIBUS
manè discutienda, in Scholis Medicorum, die Jovis vigesima-secundâ
mensis Januarii, Anno Domini M. DCC. LXVII.

M. ANTONIO - JOANNE - BAPTISTA - MACLOVIO
GUENET, Doctore Medico, Præsides.

*An sui sint Capiti, Pectori, Abdomini & Artibus sensus peculiaries, & reliquorum corporis
humani sensuum reverâ principes?*

I.



OMO quid sit ubi sedulâ mente conspicitur, illud primùm
advertere simul ac dolere contingit, quod is hodiè vivus ac
sanus, cras ægrotaturus sit, aut exanime corpus extiturus. Vita,
sanitas, passio, mors veram illius conditionem faciunt, quò
revocanda sunt singula quibus, quandiù degit in terris,
afficitur, idque referendum omne, quod de ipso Medicis
speculandum est. Id verò solet attentos perscrutantium oculo-
rum in admirationem rapere, quod è simplicissimâ partium
organicarum fabricâ pulcherrimi exoriri effectus, & è fon-
tibus quasi uniuscujusque captui obviis stupenda maximè rerum miracula prodire
videantur. Neque enim à solo motu vitam omnem absolvi tantùm obstupueris;
quàm multa proh Deus! quàm immensa hinc prodigiorum caterva prorumpit!

Homo quandiù vivit, vigilat aut dormit. Si vigil eas exerceat facultates qui-
bus à Naturâ donatus est, manifestè cogitare videtur, quæ præterita sunt memi-
nisse, futura prævidere, præsentia componere, de comparatis judicare, ratiocina-

nari; cujus *gesta* extus merè mechanica, intus assiduò ad scopum dirigi & collimare, nec eum unquam absquè *propósito* agere deprehendes, quod *bonum* aut *malum* pro ratione reputaveris.

Interea quantumvis pateat universa illa rerum omnium immensitas, homo cuncta ad se referre minimè dubitat; ac veluti medio in Orbe constitutus esset à Naturâ, proprium in singula iudicium explicat, & essentiam suam, in ea quæ sunt, amat expandere. Frustrâ sua eum physica parvitas finitos intrâ limites contineri monet, sensus impatiens quo deprimi se autumat, indignatur utique, propriique ultor ingenii, negata sibi in ea quibus circumsepitur, jura vindicat. Quia vi potest, enititur audaciâ; & si vires experiatur adversas, seque viribus indigere percipiat, continuò notas ad artes confugit, novas excogitat; per calliditatem jam & astutias tendit ad scopum, parvique refert quî & undè benè se habeat, modò bono fruatur optato, sibi que fiat quam abundè satis.

Diversis autem quos de die exercuit motibus defessus homo benigno tandem sopore concidit involutus: nec aliter ac si narcotico singula illius organa spiritu afflarentur, altiori veterno brevè totus obtorpescit. Nil ille jam de animantis indole quidquam obtinet, præter singularem habitum, cognitaque peculiaris vitæ phænomena, respirationem, cordisque pulsus & arteriarum. Jacet jam inertissima ordinata illa mirabiliorum organorum compages, pluribus inimicis quasi præda certa, ni se se contrâ hostiles impetus præmunire didicisset.

Natura igitur hominis quantò penitius intelligitur, tantò clariùs animantis natura agnoscitur, cujus acta, actorumque ratio; judicia, prævisi successus; sapientia, prudentia, inventa, artes *intelligentem*, virtutes verò *benè volentem* animum ita arguunt, ut homo *rationale animal* verissimè fuerit ab omni ævo definitus.

Verum id profectò fuit supremo Numini consilium, ubi animalia condidit, ut materiem quâdam peculiari modo fabricaretur, iisque tantum organis instrueret, quibus illa suâ sponte posset vitam alere, quam ab ipsomet acceperat. Insunt cunctis animalium generi vitæ quædam principia, vitæ certi fontes. At quis in medicis hospes est adeò, ut principium vitæ hominis innatum cordis motum esse, minus didicerit, vitæque fontes ab alimentis partim, partim ab iis visceribus oriri, quorum actione alimenta in nostram substantiam penitus immutantur?

Quum autem lege forsitan necessariâ, utpotè rerum creatrice, sancitum fuerit à Naturâ, ut motus, quiquis ille sit tandem, semetipsum destruat, primum animantibus à motu vitali periculum esse debet. Nec enim aliundè solidorum attritus, condensatio, abrasio, in fluida resolutio, fluidorum attenuatio, divisio, vaporatio, undè insensibilis corporis animati ruina, senile decrementum, absolutaque demùm universalium functionum abolitio (1). Neque verò solus, qui vita est, motus hominem afficit; cum partes omnes in corpore humano ita certo ordine, certâ ratione conditæ sint & appositæ secum, ut inter eas nulla, etiam atque etiam nulla sit, quæ suâ ad quilibet alias relatione careat; cum ut eadem singulis origo, sic & singulis finis idem sit, singulæ tendant eòdem, hinc nullum ibi punctum animadvertas quod variare possit, nisi protinùs diversæ illius relationes immutentur, nullam vel in minimâ harumque partium mutationem accidere, nisi etiam naturalis totius corporis alteretur œconomia. Ac quemadmodùm lineam lineæ perpendicularem, ne uno quidem puncto dextrorsum aut sinistrorsum inclinare sinxeris, quin illicò mutantur anguli, totumque, si quod est, frangatur æquilibrium, ita de suo statu dimoveri nequit humana fabrica, quin harmonicis ille hominis habitus omnino conturbetur.

(1) Boerhaave Insit. Med. parag. 424, & seqq.

Si ergo motum animantibus inditum perennare voluit Deus, qualeque id fecerat, tale animal perdurare, necesse fuit sanè, ut motus illis effectibus occurreret, iisque porro dotibus materiem animatam ornaret, quibus ipsa non tantum assiduas, quas ab interno motu passura erat, jacturas rescire, sed etiam singulis motuum externorum impressionibus obvenire sciret, sciretque mederi.

Quoties itaque quacumque occasione accidet, ut è conditione sua, quacumque tandem fuerit illa, dimoveatur corpus humanum, sive id à motu vitali intus, sive extus ab ambientium corporum viribus eveniat, toties homo reverà *indigebit*. Ut ergo vitam suam propriâ sponte aleret, *indigentias* suas *noceret* oportuit, quid iis supplendis aptum esset *discerneret*, idque vel congruens sibi applicare, vel nocivum à se avertere *valeret*. Hinc in homine primum *passio* ab *indigentis*, *passionisque organa*, quoad corpus; quoad animum, *passionis corporeæ sensus intimus & perceptio*; deinde *appetitus sensuumque externorum organa & instinctus*, quoad corpus; quoad animum, *sensationes & intellectus*: denique *fortitudo, fortitudinisque organa & actio* quoad corpus; quoad animum, *voluntas & determinatio*.

Hinc etiam variae sensuum sedes sunt, varia munia: alii vigilantissimi corporis custodes, idè facti, ut de indigentis suis admonerent hominem, in intimioribus corporis animati penetralibus, in ipsismet organis cuique sensui propriis insiderent; alii verò eò dicati, ut veram ac germanam, quæ indigentiam inter & materiem huic supplendæ idoneam, utique reperienda fuit, analogiam discernerent, per exteriorem potissimum ejusdem corporis superficiem expandendi fuerunt; undè *passionem* priores in animante, *sensationem* facerent posteriores, hi *impulsionem* crearent, illi *necessitatem*.

Indè jam luculenter apparet corpus humanum per omnia trunci & artuum puncta verè sentire; undè velut objecta sensuum, ita sensus numero carere minis dubium videtur. Verùm ex innumerâ illâ sensuum multitudine plurimi, ea quæ intus geruntur, exteriùs manifestant; plurimi analogi sunt, eodemque referuntur: an igitur sensus sint certi quidam in singulis corporis cavitatibus & membris ceterorum sensuum quasi fontes & principia juvat hinc inquirere, & sua inesse Capiti, Pectori, Abdomini & Artubus horumcè peculiarium sensuum organa, sic in hac meâ disquisitione probare conabor, ut sincera indè, nec inutilia praxi, consecrari proliciantur.

II.

QUONIAM ex iis quæ jam in antecessum prælibavimus, manifestum est hominem, quatenus animal, primum ab indigentia pati, idèdque sensibus eum, ac sensuum organis interius & exteriùs à supremo Numine fuisse instruendum, indè sequitur Caput hominis intus extusve sentire, & sua illud cum exteriora, tum interiora sensuum organa possidere. Suum insuper sibi esse sensum præcipuum, ad quem cæteri omnes partis ejusdem sensus revocandi sint, ex iis quæ modò dicemus evidentiùs indè patebit.

Ac primum quidem si caput hominis curiosâ attentione perlustretur, tam magnifico hic, tamque artificioso sensuum apparatu mens percellitur, ut ne unam quidem ibi monadem esse credas, quæ suâ virâ simul & suo sensu peculiari defraudetur. Prætermittis enim quæcumque de nobilissimorum sensuum usus docet Physiologia, dum in eam calvariæ partem, quæ *vultus* nuncupatur, tantisper oculos conjicimus, singularem imprimis, & homini propriam faciem miraculis & sensibus quasi conspiciam utique suspicimus & admiramur. Quanta nempe in ore humano majestas! Facies quàm benè naturæ nostræ dignitatem arguit! Ut inibi divina illa emi-

net supremi Numinis effigies, quâ cæteris terrarum animantibus tantò præstantiores efficiuntur! Ut spirat ibidem illa aura cælestis, quæ sese per acutioris ingenii flammulas inextrahenda dispergit!

Mulina videlicet fronti summus honos; at fronti qualis sensuum cohors insidet! Ibi, genuinas per antitheses, rimorem nihil, omnia verò temere molientem audaciam recubare videas: ibi majora tenentem, captantemque singulos animi magnitudinem, & dedecorantem benè nata pectora socordiam: ibi morum austeritatem, atque mansuetudinem; matrum viri cuncta ponderantis iudicium, & infantem pueri nil aggredientis pudorem: ibi senectutis novorum impatientis rugas, rugarumque comites assiduas, morositates, & fummarum pertinacitatem. Verbo dicam, frontem maximorum sensuum sedem, & fortiorum animi pathematum theatrum conspicuum non absurdè pronuntiaveris (2).

Neque porro suis carent supercilia sensibus, quibus regum majestas, militumque virtus & tyrannorum crudelitas explicantur. Nasus ipsemet à quo tan'us oris decor hominis, suusque vultui habitus, sua dignitas & excelsitudo, qui suavissimâ diverforum tot & fragrantiorum, quos excipit, odorum voluptate totum abdomen ad libidinem allicere potest, ut alternâ pinnarum expansione & contractione, ut suoapte pallore latitiam, mendacium, pavorem disertim eloquitur (3)!

Ast oculi, si quæ pars in vultu sentiat quid, promptissimis verò ac numerosissimis featurunt sensibus (4). Ut enim sublimiorem illam facultatem omittam, quâ persufa lumine corpora sic sentimus, ut ipsa videamus, undè & quonam organo secundarios illos varii generis sensus percipimus, quibus veras *Boni*, *Pulchrique* & *Admirationis* imagines apprehendimus? Undè & quonam organo blandissimi illi amantis Naturæ sensus animum irrepunt, quibus ad aspectum rei amabilis vel inviti suscitamur, accendimur, inflammamur? Undè & quonam organo invincibilem illam experimur propensionem, quâ ad ea ferimur, quæ nobis profutura credimus, illudvè non impar odium quò declinamus ac fugimus ea, quæ nobis nocitura esse iudicamus? Undenam demum oculi mentis humanæ fenestras nominati sunt, variorumque testes ingeniorum appellati? Jamvero vobis, ab oculis, puberes cavete, pueri; maturæ jam, vobis cavete, virginis; gerunt ipsi Cupidinis sagittas, fœtas curis & mœroribus, dulces unâque crudeles sagittas, carissimam eheu, sed prædatricem etiam in teneris cordibus flammam accensuras!

Verùm oculi hos, & id quod ultrâ sentiunt, vividissimo & acriore quasi quodam tactu sensus excipiunt, qui hominem ad iracundiam abripit ut plurimum, ipsumque trans modum & rationem vel invitum ac reluctantem impellit. Sensu quantò leniore sentitis, quantò mitiore nos aculeo tangitis, rubentes jamjam, pudibundæ, genæ, puellæ! Scilicet prima inibi & castissima dulcissimorum sensuum incunabula: ibi gratissima proprium dicere anorem timentis infantia, & amoris cuncta metuentis ac reformidantis irrequæta sollicitudo. Quàm profundos inibi, ut ita dicam, sulcos exarat animi teneritas! Quàm alta ibidem vestigia imprimunt auscultati sermones Amasii, Parentum, Magistrorum, Judicum, Imperantium! Vix ullum concipias in toto vultu organum, quod evidentius sentiat atque potentius, nisi fortè labia exceperis, quæ cariorum caput labiis applicata & fermè adunata ira sentiunt, ut omnes omnino cerebri sensus inturbent, ut quod pectus diligit (a), quod venter amat infimus, totum id exprimere, & quasi fugere videantur.

(2) Celeberr. hujuscè Scholæ Mag. ANT. PETIT, in suis Demonstrat. Anat.

(3) Idem & ibidem.

(4) Id. & Clariss. DE BUFFON Hist. Nat. Tom. IV, pag. 219.

(a) Quid per has voces *diligere* & *amare* hic intelligendum sit paragraphis III & IV. clarius eluceſcet.

Quid dicam de aurium sensibus, quas genuina sonorum organa esse omnes à Naturâ didicimus? Ut oculis, naribus & palato, sic & auribus profectò primum ac præcipuum munus tribuendum est, ut animantis vitam ac salutem pro suâ parte tueantur, ideòque specialius ea pericula sentiant, quæ nobis ab ambientium corporum moribus ac ruinis impendere novimus. Sic ab auribus tremor ille per universum vagatur hominem, qui ex horrendis tonitruum mortem undequaque minitantum, aut ex eorundem æmulis bellicorum tormentorum fragoribus enascitur consuevit. At quot & quàm varios generare amant sensus varii sonorum moduli, quos adeò numerosè condere, adeò voluptariè maritare didicit musicorum hominum sublimis ac penè divina solertia! Quis absquè suavissimo delectationis sensu Poetas audivit unquam, ubi Deorum pugnas, aut Heroum gesta carmine cecinerunt epico; vel quoties viris insigniori virtute, tristiorique fato nobilibus tragicis parentaverunt affectibus; vel ubi Pana, pastorumque lucos, & placidos Nimpharum amores amiciori melo, plectroque concordi colluserunt? Sic est: quemadmodum oculis, ita auribus suæ sunt fibræ, quas ad amicitiam & amorem, ad voluptatem & libidines sentire nullus inficias iverit.

Interiora jam capitis organa sentire quis negaverit, ubi homines consideraverit studiosos, qui quas sensibus externis sibi compararunt rerum notitias cogitatione recidunt, assiduâque meditatione perficiunt? Dum etenim eorum animus in contemplandis cerebri sui sensibus totus incumbit, nil illi præterea vident, audiunt, tangunt, ideòque qualia tum sentiant viscera demonstrant singula quæ in iis apparent phenomena, morbique in quos proni ruunt plerique litterati.

Evidens est autem sensus eos quos faciei particulares dicimus, faciei partibus non sic insidere, ut omnes in illis, tanquam organis suis, innascentur, sed eorum aliquot meros esse diversorum partis alterius sensuum indices, merosque testes. Notum est etiam partes omnes, quas more suo sentire minimè dubium est, suos à cerebro sensus mutuari, suasque affectiones ad cerebrum referre (5). Præterea nervos esse totidem cerebri propaggines, quibus illa peraguntur (6). Cerebrum igitur unicus est sensuum fons, & finis unicus, qui per universam corporis habitudinem expanditur; undè corpus animatum verè unum est & individuum, cujus singula, ut jam dixi, puncta ætissimam habent ad se invicem relationem. Jure hinc meritisimo cerebrum in homine *sensorium commune* dicitur, *communisque sensus* specialius organum habendum est; ideò, ut sui sunt reverà capiti sensus peculiares.

At si quis ea quæ præmissimus attentè perpenderit, illud animadvertet, sensus quorquor inesse capiti asseruimus, ceterosque, quos huic cavitati proprios esse aliundè constare, omnes, aut quæ res sint, hominem, aut quis sit homo alia entium genera edocere, quæ Natura cognitionum capacia finxit; undè per eos, qui ab organis capitis oriuntur, sensus, homo *cognoscit*, & *cognoscitur*. Cognitionem igitur sensum esse Capitis principem, ad quem ceteri omnes primario revocandi sint, non injuriâ profitebor (b).

III.

ILLUD est singulis animantibus insitum, ut quo instanti vivunt, existentiam suam ita diligant, ut solidum vitæ suæ curriculum absquè ullo incommodo traducere omni ope atque operâ enitantur. Hinc huic thesco initio diximus omnia

(5) HALLER, Elem. Physiol. Tom. IV, pag. 316.

(6) Ibid. pag. 186.

(b) Veteres intellectuales animæ facultatem in Capite reponebant, quæ facultati insensibili & concupisibili imputaret. C. Bauhins Ann. Lib. III. cap. 1.

in homine ita comparari, ut singula ad vitam ejus alendam consensu verè mirabili conspirent, resque sic à summo omnium Authore Deo ordinatas esse, ut partis alterius altera poscat opem, & amicè conjuret. Ea est certa hominis constitutio, quam Græci *ψυχήν, ψυχράν* Latini prædicaverunt.

Neque hic intemptivè meminerimus, ut res ita perennarent, homo sentiret opportuisse, variasque quibus circumdabatur materies sic cognosceret, ut multiplices simul earum modificationes apprehenderet. Non etenim tantum retulit hominis res sibi objectas percipere, illud imprimis sentire debuit & quales res essent, & quid in propriam ejus essentiam à Naturâ valerent. Hinc *cognitionem* cuilibet anteire sensui vidimus, & unamquamque corporis nostri partem idcirco nervum suum, ceu cerebrum, possidere.

Nullam autem in corpore humano partem esse docet Anatomie, quæ præter nervos quos à cerebro habet, vasa alia non mutuetur à corde, quæ vel ab ipso illi sanguinem advehant, vel eundem ab eâ ad ipsam cor motu contrario referant; adeò ut si cerebrum caputque quasi totum, mediantibus nervis, ubique reperiatur in homine, cor etiam & totum veluti pectus, mediantibus sanguine, ipsumque vehementibus vas, per universam undequaque corporis habitudinem expandatur. Cor verò vasaque sanguifera ea sentire videntur, quæ præsentī horæ momento vitam impetunt, quocumque tandem organo & sensu objectam sibi rem homo cognoverit.

Viros enimverò cernite timidos & imbecilles, & eos quotquot insigniori, ut aiunt, organorum sensibilitate præditi sunt; infantes & pueros, debilioreque cernite mulierculas: quàm benè in iis singulares cordis, arteriarum, venarum, pulmonum & diaphragmatis sensus percipiuntur! Nempè videat puer, audiatvè, vel tangat insolitum quid, quod ipsi prodigiosum, ut sit, ac portentosum appareat, ut promptus, teneriore corde palpitante, clamitante ore, singultientevè pectore, almæ genitricis in gremium aufugit ac se recondit! Sentiat item eorum quos modò nominavimus aliquis per aures oculos vè quid noti vel ignoti, majus undè, præsentiusque periculum immineat, en pallescent genæ subito, labia dentesque contremiscent, mox obscurabuntur oculi, vultusque brevi totus efferebitur. Pectus etiam quàm altè suspirabit! aut quàm anxie constringetur! Ut crebrè corda feriant! Ut micabunt arteriæ! Quid plura? Venis ita demùm & arteriis, pulmonibus, septoque transverso (c) & cordi debentur pallores illi ruboresque vultus, illæ præcordiorum palpirationes, anxietates, singultus; febres illæ mortelque repentinæ, quæ seorsim singula, sæpeque simul accidunt, ubi vita periclitatur, ut nemo dubitaturus sit quin timor & metus, pavor ac terror sensusque congeneres pectori sint, pectorisque partibus continuis verè peculiare.

Sensus verò contrarios, audaciam, iram, sævitiam nonne cordi insidere ex eo clarè ostenditur, quod in iis qui in flammam ac furias minimam ob injuriam exarscunt, cor magnum (7), calidumque ac penè fervidum, à calidiore sanguine, temperamentum usquè deprehenditur (8)? Sensus etiam quos *morales* vocant, sive ab amicitia prodeant, sive oriantur à benevolentia, non in aliis usquam organis quàm corde, sanguineisque vas, & cæteris pectoris visceribus sedem habere vel ulitata probat loquendi norma, vulgarisque fabulandi consuetudo. Nec injuriâ sanè: cariorem enim ut amicitia vitam emittit, ac jucundiorē, sic odiosam & intolerant-

(c) Clariss. de BUFFON diaphragma habet veluti præcipuum sensus interioris organum. Hist. N.T. IV. p. 299.

(7) Id. Celeberr. Ant. PETIT in suis Deponst. Anatom.

(8) Id. in suis Prælect. Physiol.

bilem facere nititur hostium inimicorumque truculenta sagacitas, & industria; nec aliundè majus miseris mortalibus discrimen esse omnes fatebuntur.

Quidquid igitur præsentis vitæ blanditur, quidquid adversatur eidem Pectoris viscera sentiunt, neque quidquam aliud significant quæ tum in sanitate, tum in morbis, à talibus causis observantur harumcè partium affectiones. Quos porro sensus, cum ad vitam tuendam, quæ germana est cujuscumque animantis dulcedo atque dilectio, unice spectare videantur, *Dilectionum sensus* non ineptâ voce nominandos, ideòque pectoris viscera habenda esse censeamus tanquam organa quibus homo sese sui que similes diligit, & alia quæque sincerâ caritate profequatur (d).

I V.

CUM diuturnioris vitæ cupido præsentis vitæ dilectioni proximus sit & affinis maximè, conservatioque sui cuilibet animalium generi æquè dulcis, æquè cara videatur, sensus eos quos in infimo ventre inesse dicemus, singularem cum pectoris sensibus analogiam habere nemo sanè mirabitur. Ea est quippè viscerum abdominalium cum pectoris visceribus communio, illud est commercium, utin his & illis promiscuè habendis quisque incautus faciliè in errorem incidat.

Verùm id ante alia sedulo considerandum est naturæ conditorem Deum hîc modo fermè eodem ac aliàs sese gessisse, Abdomenque ut undequaque dispergeret, linguam & fauces in buccâ constituisset, œsophagumque à capite per pectus ita duxisse, & per omnem corporis ambitum vasa lymphatica disseminasse, ut corpus hominis hâc ex parte perindè unicum sit, ac prorsus individuum. Totam abdominis capacitatem nervosam silvam diceret, aut capillitium inextricabile nervorum, Naturamque ibi, recollectum in capite cerebrum de industriâ dissipavisse, ut unaquæque cavitatis ejus fibra, quæ totius animantis nutritioni dicatur, pro suâ parte sentiret quæ vel minimum possent vitæ perpetuandæ conducere.

Cæterum duplex conservationis. genus distinguendum est: alterum individui, speciei alterum priori perquam analogum atque congruum. Ex quibus sensus illi peculiare nascuntur, quos *appetitus* nominaverunt. Notum est autem & argumentis inconcussis stabilitum, famem & sitim œsophago, ventriculo, intestinis, totâque adeò chilopoiesis officinâ perferiri, neque alia esse talium organa sensuum à Naturâ. Neminem fugit, quotiescumque viscera illa iis sensibus afficiuntur, reverâ pati animal, tantòque magis pati illud, quantò diutius durant affectus, & ad alimenta, quæ materiem suppeditant urgenti indigentia exsatiandæ idoneam, assumenda idem allici potentius, ac vehementissimè sollicitari.

At gaudium, tristitiam, mærorem, iracundiam, melancholiam, crudelitatem, misericordiam, sensusque congeneres, quibusnam, amabo vos, organis insidere censetis? Nonne à saturitate gaudium & exultatio (e)? ab inopia languor & tristitia? mæror à fame (f)? ab ebrietate rerumque omnium expletione crudelitas (g)? Nonne temperantiæ misericordia soboles? Undenam biliosi homines iracundi, melancholici verò hypochondriaci nominati sunt? Undenam absque visceribus esse dicuntur immisericores? Nonne indè, quòd nisi penitus indiscriminatim omnibus,

(d) *Inscissibilem animæ facultatem in Pectore sitam esse Veteres arbitrabantur. C. Bauhini Anat. lib. II, cap. 1.*

(e) *Ludunt ipsa post passum animalia quæ bruta dicuntur.*

(f) *„ Qui consumit inedia, huic tristi quodam languore præcordia contrahuntur. Fern. lib. de facultatib. animæ, cap. XIX.*

(g) *Alexander, postquam Aslâ potitus est, serum satur & à convivio temulentus amicum suum Clytem interfecit. Quint. Curt. lib. VIII, cap. 1.*

ita certè singulis abdominis visceribus incubant hujusmodi sensus, ut secum invicem arctissime conjungantur? Nec verò mirum id ulli futurum est quod adeò complicantur unà, simulque commisceantur, si quas mediantibus nervis, telà cellulosa, sanguine, munere & officio secum habent abdominalia viscera, necessitudines contigerit meminisse.

Amorem porrò sive physicè spectaveris, sive consideraveris ethicè (b), sensum abdomini peculiarem esse continuò deprendes. Norunt omnes, ubi primum in utroque sexu corpus animatum ita crevit, ut mortem ignoto sensu præsentient vitam ardeat redundantem impertiri, quàm magnæ, quàm subitæ fiant in eo mutationes; ut in infimo ventre præsertim suos exarant effectus, sua pandant phænomena; ut à flagrantibus puberum appetitibus ac desideris, non secus ac à diversis puellarum languoribus faciliè dignoscantur, prævideantur.

Scilicet eò natum videtur abdomen, ut omnes voluptatum ac libidinum gesserit pariatque sensus. Indè quidquid in vità dulcius sentiri ab hominibus potest; morales indè cunctos regi videas atque gubernari; indè virtutes omnes, omnia propè scelera. Quàm suavi tentatur affectu qui plenior manu bona fundit in miseros, & vitam undequaque largitur! Fames verò quid non mortalia pectora cogit? Quid non suadet sitis? Naturæ latè rex amor vitam ubique dulcissimam impertitur; quo sceptro reges, eodem colonos exercet. Cernis ut ad fortia quæque per ferrum & ignes, per sexcenta pericula ruat cæcus amans? ut mortem horrendam, hostiumque cohortes contemnat sensu magnis discriminibus majore? At ætates scandit amor tures, portas infringit urbium, mœnia subvertit.

Sui sunt igitur Abdominis sensus, quos neque capiti finxeris inesse, neque pectori, neque ullis quibusquam generis alterius organis. Qui cum ad conservationem individui, specieique propagationem, genuino conservationis tractu, referendi sint, amoris sui omnes adscribendos esse autumamus; ideòque *sensus Amorum* in abdomine constare non ego deteriori jure contendero (i).

V.

NON solum corporis humani cavitatibus suos peculiare sensus inesse credideris: sui sunt etiam Artubus omnino discolors, quos nullis præterea partibus ullo judicio tribueris. *Sensus* dico *Virium*, seu *Fortitudinis* (k), undè *sensus* videas emergere *Libertatis* (l).

Si consideremus enim quam ob causam hominem artubus instruxerit supremus naturæ opifex Deus, id reperiemus, artus superiores illi propriam ad defensionem contrà hostium suorum impetus, simulque ad ea sibi comparanda concessos, quibus indigebat; inferiores verò ad nutrimentorum indagationem, fugamque periculorum. Hinc alimenta primùm petimus instinctu, deindè quærimus per labores. Hinc tactus specialior sensus artuum est, qui diversus in diversis corporis partibus universalem instituit, organo suo, cute, mediante, conspirationem ac singulare commercium, ita ut corpus humanum ex illà perindè parte unum sit ac prorsus individuum.

Similiter indè sequitur cæteris sensibus obtemperare debere artus, quos ideò sentire dixerim, quia cætera corporis organa sentiunt, & ea præcipuè sentire,

(b) In libro Joannis ASTRUC, cui tit. *Traité des Maladies des Femmes*, tom. II, cap. xii, de *furore uterino*, legimus phycos & morales Amoris effectus.

(i) *Concupiscibilem animæ facultatem in Abdomine Veteres reposuisse patet ex notâ superiore* (b).

(k) „ Milo Crotoniates cum jam consenuisset, videns Athletas in certamine exerceri, suos læcrotis intuitibus iam senio defectos, illachrimasse fertur ac dixisse: *At hi quidem jam mortui sunt*. M. T. Cic. Cato maj.

(l) Non hic de libero animæ arbitrio sermo est, at de illo tantum libertatis sensu quo membra movemus, ubi nullo impedimento coercetur.

quæ corpori faveant, perniciemvè moliantur. Neque sensus eos artubus peculiare esse ullus negaverit, qui attendet quantâ celeritate moveatur ad vitam defendendam manus, ad arripiendum alimentum, amorisvè sui palpandum objectum; quàm promptè & alacriter pedes ad ea consequenda rapiantur, quæ summopere desiderantur, aut ea fugienda, quæ judicantur nocitura.

Forſan & eò loci paradoxon ego proferam; sed actus eos ab animo volente minimè fieri diutius tacere non possum. Non enim magis voluntarius est quorumcumque motus musculorum, quàm cordis: cujus quidem cum sit munus & officium vita præſens; dum alii muscoli id objectum habent, ut vitam à corde oriundam conservent ac tueantur, cor causâ perennante sollicitaretur ad agendum opportuit, cæteri verò muscoli in iis tantum casibus agerent, in quibus de vitâ cogitandum erat homini, sive id à naturalibus indigentis, sive ab imminetibus periculis eveniret, ad eòque moverentur aliàs, aliàs verò conquiescerent.

Sensus autem ille quo agunt muscoli sensus ejus communicatio est, quem experiantur organa quibus corporis indigentis invigilare datum est, vel de periculis impendentibus admonere. Ita statim ut esurientis oculus panem videt, manus consensu vero, non ficto, ad capiendum panem exardescit, nec potest esuriens velle manum non movere, nisi sensu potentiore ab agendo deterreatur. Imò si supponatur eum religari, manus ardens convulsivis agitabitur motibus, quemadmodum cor impedimento palpitaturum est ac febricitaturum.

Idem porrò de artubus inferioribus judicium tuleris. Neminem latet quàm sæpè accidat, ut semel impresso cruribus motu, vel inopinantes deambulemus (m); ut ad currendum nemo tardus, ubi de nutrimento sibi comparando agitur; ut frustra periclitantem irretire tentaveris, modò præsentius quoddam discrimen adesse sentiat.

Non ulli jam supersunt discutiendi sensus præter illos, quos artubus verè proprios esse nemo, ni fallor, diffitebitur: *sensus Positionis ac Libertatis*. Cuinam etenim organo illum tribueris manus præmium accipientis, conjugemvè dilectissimam palantis sensum ac blandientis, qui hinc ad aliàs quaslibet corporis partes sese diffundit, delirium in capite, palpitationes in pectore, venerem ac voluptates in abdomine suscitaturus? Cuinam organo, nisi inferioribus extremitatibus illam concesseris digitorum pedis trepidationem, tibiæque que veram alacritatem, quâ quisque abreptus id assequi contendit, quod tam ardentem expetivit mentemque tam sollicitâ concupivit?

Quàm gravi demùm onere liberari se senserint, dicant qui experti sunt, simul ac excusso tandem miserimæ servitutis jugo, dulcissimam ad libertatem, veluti de morte ad vitam quasi remeare concessum est! Quàm gaudentes exagitabant brachia! Ut crura hæc & illac circumagebant! Ut saltabant, lætabantur!

COROLLARIA.

PRIMUM: Ex iis quæ huc usquè protulimus primum, apparet quænam sit *natura* hominis; ut corpus animatum verè unum sit & individuum; ut singulæ partes inter se consentiant, quæque ratione dissentiant à se singulæ.

SECUNDUM: Veteres Medicos non ineprè eà de re sensisse.

TERTIUM: Clarum est quid & undè sit *instinctus* in homine; quomodò instinctu

(m) „Cursor quidam publicis medio itineris sui loco, postquam haustum vini biberat, integram ferè horam in viâ planâ dormiendo, & quidem sine habitatione progrediendo, absolvere solebat; quod jucundum spectaculum aliquoties ipse observans vidit & miratus est JOAN. JUNKER, *Consp. Physiol.* An-4. pag. 127.

agamus, ideòque quousquè solvi possit præclarum hocce problema: *Assigner les bornes de l'instinct, & les commencemens de la raison dans l'homme.*

QUARTUM: Quibusnam potissimum artibus discrepat à vegetante animal, indèque libri illius refutatio cui titulus: *L'homme plaute* (10).

QUINTUM: *Appetitum* in animante esse cognoscitur absquè ullâ animantis participatione; Medicum ideò in morborum curatione semper ea ministrare debere ægris quæ vehementer appetunt, quidquid sit tandem illud quod à naturâ sic effragitur. Moderari tamen in eo agendi normam Ratio debet, sanctiorque Ratione Religio.

SEXTUM: Nervi quid possint in corpore, quid agant intelligitur; unos insuper & eodem sensui, motuique simul & nutritioni dicari patet, nec variare, nisi quia partes adeunt non iisdem usibus destinatas.

SEPTIMUM: Certum est eorum pleraque quæ sensibus internis obvia sunt, non omnia tamen, ab externis priùs excipi.

OCTAVUM: Experimenta verò de *irritabilitate & sensibilitate* partium à clarioribus neotericis instituta propositioni nostræ minimè refragari; ex quibus omnibus libenter & invictè concludimus:

Ergò sui sunt Capiti, Pectori, Abdomini & Artibus sensus peculiare, & reliquorum corporis humani sensuum reverà principes.

(10) *Œuvres Philosophiques, IVe. Mémoire.*

DOMINI DOCTORES DISPUTATURI.

M. Nicolaus JEANROY,
Regii Medicorum Collegii
Nancianorum Socius
honorarius, & Chirurgia
Gallico Idiomate Professor
designatus.

M. Augustinus ROUX, Regie
Societatis Rei Agrariae,
necnon Regie Scientiarum
Academia Burdigalensis
Socius, & utriusque Pharmaciae
Professor designatus.

**M. Achilles - Guillelmus
LE BEQUE DE PRESLE**,
Equus & Censor Regius.

M. Casar COSTE,
Censor Regius.

**M. Petrus - Joannes-
Claudius MAU-
DUYT DE LA VA-
RENNE**.

**M. Stephanus
D'HUAUME**.

M. Paulus-Jacobus MALOUIN,
Medicus Regiae Ordinarius,
Regie Scientiarum Academiae,
Regiaeque Societatis Londinensis
Socius, necnon Regius Chimi-
corum Librorum Censor.

M. Joannes-Baptista BOYER, An-
tiquus Facultatis Decanus, Re-
gii Ordinis Equus, Regis Con-
siliarius Medicus in supremo
Senatu ac in generali praefectura
Parisiensi, Militarium Regni
Nosocomiorum Inspector, Cen-
sor Regius & Regii Medicorum
Collegii Nancianorum Socius
honorarius.

M. Bernardus DE JUSSIEU,
Regi à Consiliis & Secretis,
Regie Scientiarum Academiae,
Regiaeque Societatis Londinensis
Socius & in Horto Regio Bota-
nicae Prodemonstrator.

Proponiebat Parisiis, THOMAS LEVACHER DE LA FEUTRIE, Ebroicensis;
Doctor Medicus Cadomensis, & Salub. Facult. Paris. Baccalaureus,
Theses Auctor. A. R. S. H. 1767. A SEXTA AD MERIDIEM.

Typis QUILLAU, Univers. & Facult. Med. Parisiensis, Typographi.